

Колхозин ӧслтин хаалгъ

Ишалтинск района Ленинă пертă колхозин хӧӧчнр, ӱвлӑр хӧд хургъ-луллгъна чинриг сӑанӑр медцханӑ. Тегӑд колхозин ах хӧӧч ӱр С. Милаев эн джил хӧӧдӑн ӱвлӑр хургълулад, хургъясн 100 хӧн болгънас 117 хургъ авсн бӑӑнӑ. Ода эн хӧӧч 1959 джил хӧӧдӑн ӱвлӑр хургълулад, 100 хӧӧнас 125 хургъ, хӧн болгънас 6 килограмм ноос киргъдж авхар шинӑс даалгъвр авӧ.

СССР-н Деед Советин депутат, социалистическ кӱч-кӧлснӑ Герой ӱр Я. А. Омельченко асрдж ӧскджӑх бод малин толгъа болгънас ӧдр болгън 1.200 грамм ӧслт авхар даалгъвр авв.

3-ч болн 4-ч номертӑ МТФ-н саальчнр, ӱкрчнр саалин ӱкр болгънас 1.550 литр ӱс саадж авхин тӧлӑ ноолджацхана. Эн фермин тӱрӱн нӱӱрт йовх дамшлтта сальчнр Ю. Прохвятилова болн К. Щащенко саалин ӱкр болгънас 1.900 литр ӱс саадж авх болцхав.

Эн колхозин тугълчнр ӱр М. Изунован болн Н. Изунован хӑладж асрджӑх тугълмуд 10 сар кӱрхлӑрн дундлад нег толгъань 190—200 килограмм татна. Ягъад эдн ним кӱцлмудтӑ болв гихлӑ, ӱр М. Изунова, Н. Изунова хойр хӑладжӑх тугълмудтан гарсн ӧдрӑснӑ авн эврӑннӑ килмджӑн таслвр уга ӧгч асрснӑ аш болджана.

Эн ӱвлӑлла мал дулан хаша хаа-

цсд ӱвлзджӑнӑ. Келхд эн джил шинӑс хӧӧнӑ 9-н хаша, тугълмуд бӑрх 3 гер, нег гахан гер, малчвр бӑӑх 6-н гер тосхгв. Олна малд ӧгх 79.870 центнер ӧвсн, 53.110 центнер солом, 102.034 центнер эрдни-шишӑ боли хар гуйрин силос, 39.972 центнер концентрированн хот колхоз белддж авӧ.

Колхозин механизатормуд бас ик дилвр кӱцв. Намрар тӑрдг тӑрӑгъӑн агротехническ ӧдм чинртӑгъӑр тӑрдж дуусв. Колхозин трактормуд болн селӑнӑ эдл-ахун машид яслгън хурдар кегдджӑнӑ. Трактористнр ӱр Д. Барабаш, И. Парахоня, комбайнермуд В. Шевченко, И. Вдовицкий, токарь П. Ребрин, трактормуд болн селӑнӑ эдл-ахун машид яслгъна кӧдлмшт шултта кевӑр кӧдлджӑцхӑнӑ.

Колхозин эдл-аху джил ирвӑс ӧсӑд йовна. Эн джил эврӑннӑ эдл-ахугъясн 15 сай арслнӑ авхар тоолджана. Энджл эн колхоз Соленовск МТС-с 4 сай арслнӑга техник хулддж авла, тер тоод машинн-тракторн мастерской, нефтебаз, машид хадгълх хашас, трактормуд, селӑнӑ эдл-ахун нань чигн машид.

Колхозин эдл-ахун производств ик ӧӧдӑн ӧскгдхмн. Долан джилин сӱӱлӑр колхоз буудя, мах, ӱс, тос болн ноос гаргългъан хойр холван, бод мал, хӧӧдӑн — 2—3 холван ӧсгӑр темдгджӑнӑ.

И. М. БАЗЮК.